

# 古今名醫言行錄上卷

江都葛蔭春廉夫氏集著

醫雖小道。必有可觀。贊育世運。感召天和。聖賢相繼。嘉言孔多。其功不朽。其人當傳。不知其人。安能可乎。廣搜冊集。用正傳訛。作古今名醫言行錄。

## 太昊伏羲氏

太昊之母。居於華胥之渚。生帝於成紀。以木德繼天而王。故風姓。有聖德，象日月之明。以龍紀官。故曰太昊。作都於陳。教民佃魚畜牧。養犧牲，以充庖廚。故又號庖犧氏。造書契。畫八卦。作甲曆。定四時。制嫁娶。正姓氏。造琴瑟。以明陰陽之秩序。修身理姓。反其天真。著天元玉冊。爲醫學肇祖。帝在位一百十有五年。傳十五世而亡。（易知錄）

## 炎帝神農氏

少典氏之君。娶於有蟠氏之女。曰。安登。生四子。長曰。石年。卽炎帝也。育於姜水。故以姜爲姓。以火德王。代伏羲氏，治天下。故曰炎帝。以火紀官。初藝

五穀。教民稼穡。而農事興焉。因民有疾病。未知藥石。乃嘗百草。辨其寒溫平熱之性。君臣佐使之義。常一日。而遇七十毒。神而化之。遂作方書。療民疾苦。由是醫方興焉。著有本草經三卷。凡三百六十五味。分上中下三品。帝在位一百四十歲。崩於長沙。傳八世。至帝榆罔，國亡。(易知錄)

學禹錫曰。舊說，本草經三卷。神農所作。而不經見。漢書藝文志。亦無錄焉。漢平帝元始五年。詔天下通知方術本草者。所在輶傳遞京師。樓護傳。稱護少誦醫經本草方術數十萬言。本草之名。蓋見於此。唐李世勣等。以梁七錄。載神農本草經三卷。推以爲始。又疑所載郡縣。有後漢地名。似張機華佗輩所爲。皆不然也。淮南子云。神農嘗百草。一日而七十毒。由是醫方興焉。蓋上世未著文字。師學相傳。謂之本草。兩漢以來。名醫益衆。張機華佗輩。始因古制。附以新說。通爲編述。本草錄是見於經錄。

寇宗奭曰。漢書雖言本草。不能斷自何氏。而作淮南子。雖言神農嘗百草以和藥。亦無本草之名。惟帝王世紀云。黃帝使岐伯。嘗味草木。定本草經。造醫方。以療

衆疾。乃知本草之名。自黃帝始。

徐夢莘集醫錄曰。內經九方。其用藥多與神農吻合。於以見神農本草經。確是上古遺書。指爲後人修訂則可。指爲非神農時遺書則不可也。

#### 黃帝有熊氏

黃帝者。少典之子。號有熊。姓公孫。名曰軒轅。生而神靈。弱而能言。幼而徇齊。長而敦敏。成而聰明。軒轅之時。神農世衰。諸侯相侵伐。暴虐百姓。而神農氏弗能征。於是軒轅乃習用干戈。以征不享。諸侯咸來賓從。而蚩尤最爲暴。莫能伐。炎帝欲侵陵諸侯。諸侯咸歸軒轅。軒轅乃修德振兵。治五氣。藝五種。撫萬民。度四方。教熊羆貔貅獬廡。以與炎帝。戰於阪泉之野。三戰然後得其志。蚩尤作亂。不用帝命。於是黃帝乃徵師諸侯。與蚩尤戰於涿鹿之野。遂禽殺蚩尤。而諸侯咸尊軒轅爲天子。代神農氏。以土德王。是爲黃帝。史帝以人之生也。負陰而抱陽。寒暑盪之於外。喜怒勞之於內。天昏凶札。君民代有。乃上窮下際。察五氣。立五運。洞性命。紀陰陽。咨於岐伯。而作內經。復命俞跗。岐伯。雷公。蔡明堂。

究脈息。巫彭，桐君，處方藥。而人得以盡年（本紀）

歧伯

歧伯，姬姓，諸侯也。封於歧。歧伯通三才之奧，明五行之微。識造化之樞機。達陰陽生死之道。黃帝尊之爲天師。呼鬼臾區爲夫子。君臣問難。成內經十八卷。歧伯辭占多數焉。

鬼臾區

已酉朔旦日。鬼方氏，遣其使，臾區。貢方物。臾區通律學。並精醫。帝與語大悅。臾區，因獻神策即著草寶鼎。帝賜客卿之位。臾區因謂天之紀。周而復始。乃迎日推策。知氣節日辰之將來。造十六神歷。積餘分以置閏。配甲子而設部。於是時惠而神從。佐歧伯。修五運。測六氣。齊七政。以彌民疾疫。帝稱爲夫子。  
(集仙錄)

桐君

桐，地名也。君，官名也。黃帝念民命至重。神農藥味。代遠年湮。恐多失實。乃

命桐君采藥。分其枝葉花實。復命岐伯等，嘗試之。以修正方藥。桐著有采藥錄三卷。（白玉輝丹房集）

扁鵲非秦越人也

扁鵲，黃帝臣也。帝以上古醫經殘闕。乃與岐伯等設爲問答。闡發經旨。考正闕文。命扁鵲分別編次。古醫經之修正者，計九卷。又集君臣問答之新理學九卷兩共八十一篇。皆君臣問難之辭。名曰。八十一難經。分爲靈樞九卷。仍其古名。素問九卷。取平素君臣問答之義也。統名內經。尙有外經等若干卷。在漢時已失傳。（泰山

松樓漢書補）

雷 公非宋雷公也

雷爲姓。公爲爵。黃帝既命岐伯等作湯液。又以藥石有純劣不等。乃命雷公魚炙藥品。分別君臣佐使。因著藥對二卷。北齊徐之才。復推廣之。（集仙錄）

伯高，少俞，少師，仲文，巫彭，（少俞即俞跗也）

五人皆佐帝治醫事者。事跡無考。慎子謂雷公受業於黃帝。仲文乃帝記注。俞跗療